

PEKELILING PENTADBIRAN BIL. 2/2003

**PENUBUHAN PANEL PEMBANGUNAN SUMBER MANUSIA (PPSM) BAGI
MENGGANTIKAN PANEL PENYELARASAN PENILAIAN PRESTASI DAN
PERGERAKAN GAJI (PPG), KOLEJ UNIVERSITI TEKNIKAL
KEBANGSAAN MALAYSIA**

Adalah dimaklumkan bahawa Panel Pembangunan Sumber Manusia (PPSM) peringkat Kolej Universiti telah ditubuhkan bagi menggantikan Panel Penyelarasan Penilaian Prestasi dan Pergerakan Gaji (PPG) dan fungsi PPSM diperluaskan merangkumi penyelarasan penilaian prestasi dan pembangunan sumber manusia. Penubuhan Panel PPSM ini adalah mematuhi arahan Pekeliling Perkhidmatan Bilangan 4 Tahun 2002 berhubung pelaksanaan Sistem Saraan Malaysia yang telah berkuat kuasa mulai 1 November 2002 yang lalu.

2.0 Fungsi dan kuasa PPSM ialah seperti berikut:

- 2.1 mengesahkan markah penilaian prestasi seseorang Pegawai Yang Dinilai. Sekiranya terdapat keraguan dan mempunyai asas yang kukuh Panel Pembangunan Sumber Manusia boleh mengubahsuai dan menyelaras markah berkenaan;
- 2.2 memberi perhatian yang lebih teliti dan pertimbangan yang mendalam kepada Pegawai Yang Dinilai yang mendapat markah prestasi yang rendah untuk memastikan penilaian dibuat dengan betul dan teratur, tanpa sebarang unsur penganiayaan;
- 2.3 mengesyor atau menentukan penempatan dan pembangunan kerjaya sesuai dengan potensi, kebolehan, keistimewaan serta kemajuan pegawai;
- 2.4 mengesyorkan bimbingan dan kaunseling dengan tujuan memperbaiki dan mempertingkatkan prestasi dan motivasi pegawai;
- 2.5 menentukan kelayakan atau kesuaian untuk pergerakan gaji, pingat, bintang kebesaran dan surat penghargaan;
- 2.6 mengenal pasti dan merancang keperluan latihan pegawai.

3.0 Sehubungan dengan itu, bagi melaksanakan tanggungjawab, fungsi dan kuasa yang dinyatakan pada perkara 2.0 di atas dengan sempurna, berkesan dan berwibawa, Panel Pembangunan Sumber Manusia Kolej Universiti Teknikal Kebangsaan Malaysia (PPSM) akan dianggotai oleh pegawai-pegawai utama universiti berikut:

- | | | |
|-----|---|-------------|
| 2.1 | Y.Bhg. Datuk Rektor | - Pengerusi |
| 2.2 | Y.Bhg. Timbalan Rektor (Akademik) | - Ahli |
| 2.3 | Y.Bhg. Timbalan Rektor (Pembangunan & Perancangan Korporat) | - Ahli |
| 2.4 | Pendaftar | - Ahli |

4.0 Pejabat Pendaftar (Unit Kualiti & Pengurusan) akan bertindak sebagai urus setia PPSM.

Sekian dimaklumkan, terima kasih.

‘KOMPETENSI TERAS KEGEMILANGAN’

Saya yang menurut perintah

HASAN BIN SIRUN

Pendaftar

/nem

sk YBhg. Datuk Rektor
Timbalan Rektor (Akademik)
Timbalan Rektor (Pembangunan & Perancangan Korporat)
Pegawai-pegawai Kanan / Dekan